

# 北洋官報

本局第一百二期政法學報已出

宮門抄  
上諭  
交旨

奏議○度支部奏議置江督奏禁烟各節摺△浙撫增奏  
請建故員專祠摺  
公牘○漢納根稟一件△多倫德稟一件△河南禁烟公  
所詳一件  
文告三則△電報六則△新聞十七則  
彙編○華商銀行集股章程

## 宮門抄

五月初九日 法部 大理院 廂紅旗值日 直隸熱河道徐士佳謝 恩 新授江西知府李馨國謝  
恩 恭王 岐公各假滿請 安 定成續假五日 樂善 聯惠 唐烜 春常 博齊圖 樸奎 伺  
候 召見 召見軍機 徐士佳 李馨國 樂善 聯惠 唐烜 春常 博齊圖 樸奎 會議政  
務處遞封奏一件

## 諭上

五月初九日內閣奉  
上諭荆州左翼副都統隆斌著即開缺欽此

## 交旨

五月初九日 軍機大臣欽奉  
諭旨會議政務處議覆御史吳緯炳奏尋常盜犯請一律照例解勘擬分別勘辦一摺著依議欽此  
五月初四日引 見單本日奉  
旨廢生志清著以文員用渤雙著以文職用寶賢著以旗員用李垣翊著內用陳成泰著內用顧紹曾著外用孫廷

祺著外用內閣滿洲侍讀學士員缺著瑞沅補授翰林院滿侍講員缺著富爾遜補授掌江西道漢監察御史員缺著趙熙補授掌福建道漢監察御史員缺著麥秩嚴補授庫倫理刑司員著瑞誼去擬補吏部稽勳司主事孫樂嘉月選廣西梧州府知府駱楸勳江西南安府知府孚恒俱著准其補授欽此

### 奏議錄要

#### 度支部會奏議覆江督奏遵辦禁煙各節並籌擬情形摺

奏爲遵 旨妥議具奏恭摺仰祈 聖鑒事軍機處交出宣統元年三月初四日兩江總督端方奏遵辦禁煙各節並籌擬情形一摺奉 硃批該衙門詳慎妥議具奏欽此欽遵到部原奏內稱禁吸禁種爲我 國家自行主權之事特以禁吸一層人之流品不齊不得不異其設施而需之時日本年設立兩江禁煙公所現在編戶驗藥各章程煙店吸戶各牌照已飭次第審議刊發復將先設之江南查驗官員戒煙所歸併其中辦理之法於官員之有癮者一經覺察隨時調所查驗勒限戒斷其學堂軍隊中人隨時分派委員嚴密稽查遇有沾染此習者學堂則無論師生軍隊則無論官長兵目均立時黜懲商民之沾此嗜好者飭由各地方官紳董及里長人等分別勸導並由公所採擇良方廣製善藥分別售送約計吸煙以下流社會爲最多其上中社會中人究屬有限自迭奉 諭旨申禁以來舊吸煙人之日少與新吸煙人之絕無則可斷言者也禁種一節本省舉行最早調查三十三年徐屬種煙地畝已減十之六七近據徐州道府先後來電飭查各屬已無種煙之區蘇屬地方種煙者不過一二州縣畝數無多禁絕較易皖省因上年匪亂禁種較遲亦已電商安徽巡撫臣從嚴飭禁惟皖豫山東禁種較遲擬令各省統以一年爲限限滿不准再種粟並嚴定賞罰章程所謂三年試行期內當切實施行者此也原議洋藥五萬一千箱之定額係準印度出口總數而言其實在進入中國口岸者尙無此數查各國於南洋各島無不以專賣爲禁煙政策頃者英使館參贊李智著論亦謂中國禁煙非專賣不能實行惟專賣必先專買擬請設立總分公司招集華股官督商辦每年進口洋藥均歸總公司一手收買照常完稅總公司設於京師或在通商便利之地分公司各設於省會之地每一分公司附設製煉場一所專煉煙膏另設發賣所於各州縣開辦以後洋藥逐年遞減吸煙人數亦隨之而減至十年而一律肅清公司入款除開銷費用及商人股息各項外盈餘之款酌提數成歸商其餘概

以入官作爲報効禁煙與集款兩不相妨所謂三年試行期內當切實預定者此也至此項稅釐抵補一事如能採用前議卽可以專賣盈餘之所獲另款存儲專供抵補之用等語臣等伏查此次禁煙英國政府允許分年減運各國亦多樂爲協助此機不可坐失無論如何爲難務必內外協力通籌依限禁淨庶可答友邦之美意而我國亦可祛沈痼而蹈康和惟必於一年內盡禁土藥專賣洋藥則有未易輕爲舉辦者謹爲 皇上詳晰陳之一洋藥與土藥味之厚薄癮之輕重迥不相同東南各省雖吸洋藥者多而吸土藥者亦不少且現在未經戒煙之人皆係下流社會若必盡令吸土藥者改吸洋藥爲害更烈二現在各省禁種罌粟洋土藥價均已奇漲若議專賣洋藥其價之增長將何所底止三洋藥不僅來自印度現籌專賣設有私運稽查亦恐不易四西北各省向無洋藥輸入能盡禁種土藥則吸食卽可因以淨絕所籌洋藥專賣不過爲東南各省而設惟西北各省旣可令驟斷吸食豈東南各省獨不可驟斷吸食乎一禁一不禁亦非辦法五若認真禁止吸食則吸煙之人必銳減按照現定洋藥之數包買每年餘贖之藥將何所用之凡此窒碍諸端前於兩江總督電請專賣洋藥經臣等逐加駁詰茲該督復奏申前請而於以上所指各節並未陳明辦法誠恐施行不易實屬難以照准至禁種各省土藥一節查光緒三十二年八月初三日欽奉 諭旨定限十年以內將洋土藥之害一律革除淨盡等因欽此嗣政務處奏定逐年遞減於是洋藥進口由外務部商定自西歷一千九百零八年正月起卽中歷三十三年之十二月爲實行遞減運數之期十年減盡其各省土藥亦由度支部奏定分年分省禁種辦法江蘇安徽河南雲南福建黑龍江等六省限自光緒三十四年下半年起全行禁種陝西甘肅四川貴州四省遞年減種十分之二以上限至第五年全行禁種山西一省隨時察看情形勒限禁絕現山東山西兩省亦提前全行禁種臣部復恐其禁種不力奏派候補四品京堂幫辦土藥統稅事務方碩輔前往江南安徽河南山東山西等省切實履勘其福建雲南黑龍江等省由各該督撫自行派員周歷查勘據實奏報倘皆依限嚴禁綜計江南等十八省至宣統二年十一月試行期滿當已禁種淨盡四川等省亦遵限分年遞減不待十年卽可全國禁淨惟禁煙辦法其先貴有預備其繼尤貴能持久民之以種煙爲生者其利數倍於雜糧此次各省禁種無非迫於禁令之森嚴有抗違者立將煙苗鏟除並非民別有所利甘舍此而不爲也倘此

後查禁稍懈難保已罷種者不復輕爲嘗試臣等公同酌核擬請 旨飭下奉天吉林黑龍江直隸江蘇安徽山東山西河南新疆福建浙江江西湖北湖南廣東廣西雲南等省各督撫均限至宣統元年底止一律禁種淨盡嗣後按年派員切實查勘不准再有私種並請 飭下陝西甘肅四川貴州等省督撫督飭所屬遞年減種限至宣

統五年止一律禁種淨盡如未屆限能將全省種煙地畝勒禁全行改種糧食准將該管官分別奏獎如屆限仍查有私種情事立將該管官從嚴撤叅如此辦法自光緒三十二年八月起至宣統五年計此七年之內當可實行禁淨尙餘三年作爲查察隱漏籌畫善後未盡事宜庶幾未屆年限早絕根株以收令出惟行之效所有臣等遵

旨妥議具奏緣由理合恭摺會陳伏乞

皇上聖鑒再此摺係度支部主稿會同禁煙王大臣外務部具奏合併聲明謹 奏宣統元年四月二十八日奉

旨依議欽此

### 浙江巡撫增韞奏籍紳朱祖謀等請於西湖建設故員專祠摺

奏爲故員志節忠貞紳民感慕籲懇 天恩俯准建設專祠以昭激勸恭摺仰祈 聖鑒事竊據在籍紳士前

禮部侍郎朱祖謀三品京堂前江蘇巡撫陸元鼎前江蘇布政使漢子潼前特署兩淮鹽運使湯壽潛三品京堂龐

元濟郵傳部參議張元濟四品京堂劉錦藻前刑科給事中楊晨內閣侍讀潘鴻前甘肅學政翰林院編修陸廷黻

前江西學政翰林院編修盛炳緯前陝西學政沈衛翰翰林院編修邵章孫智敏翰林院檢討孫廷翰翰林院庶吉士

吳震春內閣中書丁立誠高雲麟姚漢章分部郎中鄭志度胡煥度支部主事張蔭椿工部主事徐宗源法部主事

沈鈞儒分部主事葉景萊中書科中書楊復前廣東惠潮嘉道褚成博候選道王慶甲記名江蘇候補道王鈺孫江

蘇候補道林丙修候補道顧文藻廣東特用知府許台身廣東候補運副章廷綸前湖北漢川縣知縣陳豪江蘇候

補知縣王廷揚揀選知縣顧浩翰翰林院編修陳敬第湖州府學教授陳建常湖州府學教諭楊振鎬麗水縣學教諭

朱丙災候選知州前永康縣學教諭周慶雲候選訓導金承樸等聯名呈稱本年三月二十日內閣奉 上諭朕

恭讀光緒二十六年二十七年迭奉 諭旨特將誣陷被罪之前戶部尙書立山兵部尙書徐用儀吏部侍郎

許景澄內閣學士聯元太常寺卿袁昶開復原官並錄用子嗣仰見我 德宗景皇帝秉承 孝欽願皇

后慈恩垂訓一秉至公惟念該故員等心存君國忠蹇可矜允宜再沛恩施嘉名特錫立山徐用儀許景澄聯元袁  
昶均著加恩予諡用示朕推廣慈仁之至意該衙門知道欽此伏念已故兵部尚書徐用儀吏部右侍郎許景澄太  
常寺卿袁昶同隸浙籍志節凜然 褒榮已錫自 朝廷矜式宜垂於鄉里矧值末流淺靡時局艱難尤在立

名教之大防共識人臣之正軌茲既銜 恩泉壤固宜致敬梓桑揆諸古者沒祭於社之文實出義不容己用特  
公同籲請擬於省城西湖地方建設專祠等情環懇具奏前來奴才查已故兵部尚書徐用儀等學識遠大志慮忠

純當羣言淆亂之時具百折不撓之氣直言論洵足昭示來茲亮節孤忠允宜特隆典禮 聖恩既予諡表  
章而臣節益聞風共感該紳董等敬恭桑梓重文章氣節之存景仰風徽冀俎豆馨香之報聯名呈請同出至誠合

無仰懇 天恩俯念已故兵部尚書徐用儀吏部右侍郎許景澄太常寺卿袁昶忠蹇可嘉准於杭州西湖地方  
建設專祠以彰忠貞而昭激勸出自逾格 鴻施理合恭摺具陳伏乞

皇上聖鑒訓示謹 奏宣統元年五月初五日奉 硃批准該紳等捐建該部知道欽此

### 公牘錄要

提督銜漢納根稟請批駁井陘黃家溝煤窰稟件以保井陘礦權文並批

敬稟者竊查直隸礦務總局與井陘有限公司合辦井陘礦務所訂合同之第一款內所載礦務總局經理直隸之  
井陘礦務即為該處礦主所議章程彼此均應遵守又查第十一款內載明在此合同未經作廢及停辦以前如未  
經井陘公司認可礦務總局應允不以井陘礦事另與他人訂立合同等因照此凡井陘礦務統係井陘礦務總局  
管轄如未經礦務總局與公司允應他人不得擅行開礦提督現閱八月二十七日官報所登商人吳景程業在井  
陘黃家溝已用土法開挖煤窰名曰正豐窰並現欲購用機器開採闢充大辦照股設定公司等因查該土窰未經  
稟明總局與公司商允擅自開挖實屬與合同章程不符夫井陘公司與 國家合辦井陘礦務訂立合同內載前  
引之兩款實係與 國家有益之處甚多因此提督極欲報効方始應允畫押倘讓他人任意在井陘擅用機器開  
礦聽其售煤井陘礦局必被其害實與 國家無益而有損利益盡棄提督為辦理此礦費盡心機十載於茲二十  
八年曾奉到路礦總局札飭試探井陘礦務有案今越七年又與 升任前督憲袁磋商合同在案計歷六年之久



現甫將井陘礦務之合同訂定實係心願報効 國家故擔保將來極大闢充之地步責成均在提督一人豈能令他人擅用機器開礦並設立小公司與井陘礦務糾亂致壞 國家大事提督爲此關係甚重惟有具稟懇求 大帥鑒核俯准將該商吳景程擅開之正豐窰稟請咨 部之稟件懇乞 批駁以保井陘礦權而免轆轤實爲公便伏乞 批示祇遵

督憲楊 批據稟已悉吳景程請辦井陘黃家溝煤礦現經礦政調查局覆稱井陘礦務總局前與該公司所訂合同並無井陘境內不准他人開採明文惟查該合同第十一條所載似應與該公司商辦業已批飭該局卽日知會井陘礦務總局妥核詳覆飭遵矣

多倫廳同知阮丞忠極稟報設立巡警教練所暨開所日期文並批

敬稟者竊維巡警爲自治之基礎教練尤爲巡警之本源巡兵不教練則程度難望其進步程度無進步則自治難期其成立是教練所爲目前之要務實有不可稍緩者也卑廳本營總局及所轄三區白岔分局及所轄各區共養馬步巡兵二百六十五名雖經卑前廳王丞錫光於諾營巡警總局附設傳習所輪流傳習第此間風氣民智均未開通皆係因陋就簡程度本屬不足加以其間有因事革換者自應趕緊籌設以期程度日高自治得以依期而立當與巡官警董各區長連日籌商擬借習藝所開房爲教練所內設正教員一員稽查兼副教員一員所長一員庶務一員以四十名爲一班六個月爲畢業其餘悉遵部章辦理惟修理房屋並預備所內應用一切在在需款先由卑職挪墊開辦經費銀一百兩飭發警董妥爲修備一面查得北洋警務學堂普通畢業學員王宏俊熟悉警務訓練有方札委爲正教員東洋警務畢業生王秉章留心警務勞怨不辭札委稽查兼副教員各月給薪水銀二十兩副總董孫寶鑑辦事精細諭派兼充所長每月給津貼銀四兩文生邢勤辦事認真派爲庶務月給薪水銀十兩均以開所之日起支旋查教練所房屋及應用各物修備齊全隨卽酌調本營及各區巡兵從新挑選惟此間讀書識字者甚屬寥寥不得不稍從權變識字而合格者爲上選其有不識字而身體強壯性情和平者則權用之既不識字而性情又不馴良者則革換之業已挑換足額於宣統元年二月二十日開所教練現已兩月察看程度大有進步除俟畢業再行稟請派員考驗外所有卑廳設立巡警教練所並開所日期理合稟請 大帥查核批示肅此

具稟恭請 助安伏乞 垂鑒

督憲楊 批據稟已悉仰警務處查照飭知此繳

河南禁煙公所詳撫院第一起查驗豫省實缺候補文武各員分別造冊呈請奏咨立案文

爲詳請 奏咨立案事竊照禁煙案內前奉部定查驗章程十條其第一條先令據實自陳而繼以查驗第二條令調驗之員到所住宿酌定日期派員監視食宿期得實情第三條各省文武官員無論現任候補由長官查看有可疑者發所查驗如逾限不能戒斷及隱飾者分別叅撤第四條以程途遠近定到所限期第五條照實填注六項表毋許隱飾第六條嚴禁種煙第七條選酌醫藥第八條禁戒吸食分別官民第九條候補人員遇有差委令具並不吸食鴉片親供取具同寅切結存案第十條多設戒煙局所擇有效者年終給予獎勵各等因自應恪遵切實辦理本司職道等遵奉憲札籌設禁煙公所迭奉諄諭嚴切卽首以查驗官場爲入手緊要辦法伏念部定章程首戒隱匿欺飾而仍准其陳明意在立限戒除而姑寬其既往慮情形之涉於疑似謂指摘之非盡無因必查驗無毫髮之疑斯真僞有難逃之影仁至義盡大中至公屬在官僚同深感服夫禁煙期於普及原無官民貴賤之分然於官則先行以強迫於民則須兼以勸戒者一則執法計吏願沈疴之早除一則移俗化民期有恥而且格也本司職道等仰體此意於定章開辦時卽定爲三層辦法始則勒限斷戒繼則取結存查而殿之調所查驗蓋在官人員欲保功名必求戒斷雖經戒斷仍須查驗無可避就不能不力自戒除前擬定實行章程詳蒙批准隨卽通飭現在候補各員其有曾染嗜好者一律照實陳明或先已斷淨或現正服藥不准稍有隱飾其現戒各員則勒限戒斷俟限滿後與確無嗜好及先已斷淨各員均先出具甘結存案並飭取具同官保結使彼此互相稽查怵於利害不敢扶同徇隱仍照章各由長官察看送驗省外各官由該管道府直隸州省城現任候補及各局員由本司等及各局所總辦並開封府知府駐防滿營人員由城守尉一體查照辦理旋據各該員出具甘保各結並由各長官填表移送國所本司職道等伏查鴉片一物流毒已深傳染極廣此次嚴禁吸食先以官場爲標準百姓觀瞻之所繫卽爲國家強弱所攸關功令至嚴考成極重斷不敢稍涉遷就貽誤要政其曾經染癮各員無論先已戒除及依限斷淨自應一體查驗卽自稱確無嗜好之員如情形間有可疑人言不無指摘亦應指名調驗以昭核實當卽遵委篤實可

靠人員專司實行查驗各事就近先將省城現任候補及各局所學堂有差有缺人員遵照定章自知府以下分期分班次第調驗每周五日每班十人均不得携帶僕從食物亦不得任意出入接受外來信件統於入所後先行沐浴一次一面將衣服寢具由承驗員逐細檢查以防傳遞夾帶之弊由公所供給飲饌派專員輪替監視晝夜防維毫無間隙並購備政治書籍令其萃集一堂由職道滄瀾率同本所提調候補知府文斌與之討論講習藉以考查學識體察神情計自本年正月初十日開驗至閏二月十六日查驗完竣除出差未回因病請假及陳明戒斷間有未淨各員應俟差旋假滿認限斷淨續行驗報外本司職道等驗得以上各員核與所具甘保各結均尚相符委無掩飾情弊情形毫無可疑亦無人言指摘結稱確無嗜好照章免驗各員作爲第一起報告先行詳轉此後仍當隨時查看遇有差委飭具親供保結查核倘有自甘暴棄重染嗜好之員立予嚴懲以期周密其省外現任候補及軍學界人員現正辦理調驗惟或因交替需時或因道路較遠一時尚未齊全擬俟一律驗竣再行分起造冊呈報除全省禁煙各事宜業經遵章切實籌辦另案具詳外所有第一起具結調驗之員理合造具詳細清冊填註六項表連同取具各員甘結同官保結均各一樣二分詳請憲台鑒核俯賜分別存轉爲此備文具詳伏乞 奏咨立案實爲公便再省城各局所均係司道領銜辦理業經遵章具結呈轉此次冊報無庸再行開列合併陳明須至詳者

### 文告錄要

農工商部批示○浙江興業銀行經理孫德全稟 批據稟陳現行商會章程亟宜修改及杭州商會有違定章各

節除章程另由本部研究酌核外杭州商會開設在光緒三十二年八月間經浙江巡撫咨部核准金承樸初充董事上年六月間始經公舉札充總理履歷據稱現辦鹽業查閱該員稟稱杭州商會係數人發起總理毫無商業金承樸一任再任將成世襲等語均與事實不符毋庸置議至謂浙路公司興業銀行未經東邀入會該公司銀行係大宗商業即應自行與會再由商會發給傳單似不必因此遽生意見惟所稱商會選舉票數不實侵撓有司濫用公積妨害輿權等語來稟均未指有實據商會爲商人團體與諮議局政事不同且串結商訟重在調解並非有斷案之權該員所稱如果屬實自係商會有違定章仰候查明再行核辦可也此批

督憲批示錄要○運司詳明商人裕德稟請發給買槍憑照由 批如詳飭遵繳○又詳明官哨局請領成本等銀



擬於二成平價項下動撥由 批據詳已悉該官確局自設立以來有無成效共發過成本若干餘利若干仰即查明詳覆核奪並飭該局查照督確公司章程按月造具清冊分報以憑查核此繳○永年縣馬令毓桂稟准緝私局劉令獲送販運皮硝應如何辦理請示遵由 批據稟已悉仰運司轉飭官確局查明稟司核議飭遵具覆稟抄發此繳

藩台批示○圍場廳民人崔永祥呈 批據呈是否屬實候札飭圍場廳會同墾務局據實查辦○高陽縣監生王士魁呈 批爾平日並不私吸鴉片豈能憑空勒罰所呈殊非情理至稱捕官武汛通同差役詐贓索財尤屬一面空言斷難取信不准併飭

### 電報錄要

路透電○英外部大臣葛雷氏答覆國會議員利德曼氏云現在赫德氏懇請中國再續假一年所以總稅司一席英政府無意派員接管云

又電○土京電云土國內閣大臣士威克氏接見路透訪員謂現在希臘人在土國所行之事甚爲危險土政府風聞希臘人運入土國來福槍甚多以謀作亂

又電○德議院提議遺產稅時贊成者一百八十七人反對者一百九十五人聞德政府改良財政之辦法以此稅爲大宗之款云

柏林電○俄外部大臣依烏洛斯克氏擬經過芬蘭灣遊歷并隨同俄皇赴瑞典一遊

又電○波斯國照會英俄兩政府請將駐紮阿斯比甘并達布利斯兩地方俄兵撤退

又電○德議院議定加增地產價值稅

### 新政紀聞

政治

天津縣初選舉開票紀要○諮議局議員初選舉已於初六初七兩日開票計有效票數一千五百三十六張無效票數七十一張按章核算以得四十一票者爲合格茲將得票合格八人姓名及票數開列於後 李士銘九十

五票 孫洪伊九十票 劉鍾霖五十九票 楊希曾五十一票 穆文敬五十一票 石元士四十六票 盧翰章四十六票 王劭廉四十一票 查天津縣初選當選人數額定十九人除以上及格者八人外尙欠十一人照章於此次得票較多者按所欠人數加倍開列姓名就所列姓名再行選舉茲訂於初十日上午八點鐘起至下午六點鐘止凡此次曾經投票者應屆期各就各區投票所複行投票投票之時照後開姓名中酌量選舉一人萬勿不到是要茲將初十日應舉姓名開列於後 蘇式燕原得三十八票 齊鼎升原得二十九票 軋春瀛原得二十八票 宋鴻賓原得二十七票 孫鴻賓原得二十七票 胡家祺原得二十六票 李耀曾原得二十五票 楊恩壽原得二十五票 周景頤原得二十二票 劉孟揚原得二十票 溫長綸原得二十票 范周原得二十票 楊培之原得二十票 王賢賓原得十八票 林兆翰原得十六票 溫世霖原得十五票 穆興俊原得十五票 劉恩林原得十五票 趙炳麟原得十四票 韓金榜原得十四票 趙炳辰原得十三票 王新銘原得十三票 再初十日投票後准於十二日上午八鐘仍在原處開票屆期即望到所參觀是幸 監查員管理員謹白

縣令注重書吏教育○江蘇丹陽縣羅良鑑大令以書吏積弊甚深必須切實整頓使之稍受教育以起其自愛之心并予以出身之途俾得自勉擬即集款設立書吏法政講習所聘請教員按期講授法政及大清律例等項畢業後考驗給憑並擬將各書吏辦公三年以上無過失者擇尤申送督撫兩院考試咨部分別等第授以佐貳等官現已擬定章程通稟各憲核示矣

學務

編列留學生人數表○留日監督咨呈學部云現擬將留日官費私費各生分配人數列成表式庶於稽核時捷便并編列預算經費各表式一併送呈鑒核存照云

譯學館乙級提前攷試○京師譯學館乙級生期攷例在二八月間舉行現九學期滿九月間畢業該堂監督卮恒濬君因第十學期期攷若在八月學生過於勞苦故提至暑假前開學後即可專心預備畢業刻已定於本月十一日攷試試畢即行放假

省視學條議學務改良○吉林省視學張孚先中翰日前調查長春城廂兩等小學堂教授管理各事尚有缺點特

議應即改良數條於上月二十七日在勸學所與辦學人員暨城廂教員共相研究并講演至一鐘之久

教育會舉定職員○浙江定海教育分會已於上月十九日成立旋又開會舉定李鵬年孫爾瓚許振鑾沈椿年孫爾性陸修綆陳宗琳胡慶舜八人爲評議員俞兆熊張啓照二人爲調查員周允斌爲書記員何輔漢爲會計兼庶務員

### 軍政

禁衛軍將考書記○禁衛軍濤貝勒以五軍成立後所有一切應辦事件非專招繕寫人員實難辦理擬於六月間

招考書記生數十名以供錄寫現聞訓練所已將章程擬定刊印不日即可發表云

議定限制陸軍留學生○陸軍部各堂因現在整頓陸軍之際議商以後考試陸軍畢業生時須查明各生實係由官費出洋並經本部認可之學校畢業者方可與考以示限制而昭慎重

批獎總兵緝捕認真○江督端午帥批瓜洲鎮陶總兵樹恩稟云查前據該鎮申報江陰協胡副將拿獲匪首徐金

志已經札飭江陰縣審辦在案茲又據該副將續獲匪首陳如一名解交江陰縣收審緝捕洵屬勤能候即札飭

江陰縣迅提該匪陳如及前獲之徐金志一併研審確情議擬稟辦希仍督飭弁兵按照前檄單開有名各逸匪上緊勒拿務期悉數弋獲以除匪患

### 商務

商團體育會成立○江蘇鎮江府商界中人擬仿滬上章程設立商團體育會現已組織成立前在陽彭山下建築操場工程已竣入會者實繁有徒聞日內當即舉行

擬請協濬上河航路○江蘇通州大達小輪公司以上河航路淤淺各段如清明港大小馮店姜堰海安等處亟須

疏通現聞江督端午帥所委之鍾景愉太守正在沈家渡挖淺擬即前往接洽調查已挖及將來必挖之處寬深

度數查照前請運司挖淺原案申請督院添派機船並由公司租船數艘協挖以期早日竣工便利航業云

調查商業之辦法○四川重慶府勸業分所於日前奉勸業道諭飭查本埠各幫商業貿易情形彙冊詳報以備查

改因特刷印表示其大要分爲八條 一某幫 二牌號 三行業 四住址 五號東姓名籍貫 六執事姓名 七開設年月 八註冊等第現已送交各幫商董轉交各行號分別填明以備呈勸業道備查云

實業

吉林蠶業之發達○吉林省城附近地方多有柞橡之木可以養蠶去歲曾經七紳放養數處頗著成效茲聞有吉林府屬民人孫某自備資本購買蠶子六百兩擬往煙筒山一帶放養提倡蠶業特具稟勸業道當蒙批准不日即往試辦云

清江開物產成立會○江北清江物產協贊會前已開會組織一切復於上月十五日在商會新屋開成立大會監督淮安府劉太守調查員胡大令啓新暨商會總理劉大令先後蒞會各商到者共三十餘人一鐘時開會當經衆議決官紳分籌經費二千元如有不敷則由發起暨各幹事員擔任其官款由監督分札六縣攤解山清共五百元鹽阜共三百元安桃共二百元商款由山清兩商會聯合各縣商會協籌數亦如上並舉定幹事員張小樓汪鑑激陳子藍葉鏡湖張旭初五人名譽贊成員楊健卿唐少甫二人

路礦

咨報熱屬金銀礦課清冊○熱河廷都統日前咨度支部云現因熱河各屬金銀礦課抽收各款數目已經奏報來京相應造具詳細清冊隨文咨送貴部查核備案

湘路添聘工程師○湘省粵漢鐵路前由總公司聘請洋工程師羅士君暨柏楚武君先後到湘測勘路線去歲復由蕭瀨雲太史在廣東聘來華工程師陳贊臣君襄辦一切嗣羅士君因病回國迄今未返聞已另就他事現在開工在即辦事需人萍潭鐵路總辦薛叔平觀察因特舉薦該路工程師賴倫君來湘幫同辦理日內即可到省任事

商會代招路股辦法○湘省粵漢鐵路總公司與商務總會齟齬一事業由紳士出爲調停前招之款暫歸商會經管將來鐵路開工再行交出以後仍須商會代爲招股所有招股辦法亦已議妥由商會派議員八人於每月初二初九十六二十三等日至湘路公司會議由公司總理余恭議親自接洽以便籌商一切

第十六條 本銀行股銀俟 農工商部奏准註冊立案後各經收者即將所經收之股分銀圓如數歸併於本銀行所立事務處接收開辦

第十七條 本銀行俟第二期股本銀按定額收足之後擬先開辦總行與分總行

第十八條 本銀行股本銀第一期第二期收期按第十三條之規定其未繳之額於開辦後憑董事會議決收期至少於六十日前由創辦各處刊登通行華文日報二家以上通知股東

第十九條 凡購買本銀行股分者第一期所繳股銀作為掛號俟掛號之後應繳股銀須按 欽定公司律第三十三條第三十四條辦理若有不按公司律辦理者本銀行須按公司律第四十條第四十二條處分

第二十條 股銀收據若遭遺失毀損之時購股者須將收據號碼及失去原由詳細載明並有兩人以上連名具保方可向本銀行代理經收處或事務處請給股票但必須自行將失去情由登報廣告經六十日後並無申請異議者方准照給其一切廣告費用均由失收據者自理

第二十一條 股東會議分為尋常特別兩種尋常會議每年定七月二月特別會議遇有要緊重大事件臨時酌定日期地方分別遠近函電邀集但一面仍須將會議日期地方及事由詳細登報俾眾週知

第二十二條 股東於購買股分時須將住址及通信地方詳細報明以便照記公司股東名冊遇事得以按址通報其未經報名註冊者遇事恕不通函

第二十三條 股東應得議決權以每百股為一議決權遇事會議以到會股東議決權過半數決之若權數相同則決議於會長

第二十四條 會議時總理任議長之職如總理有事不到則以協理或另由股東於董事中公舉一人任之

第二十五條 本銀行議舉董事七人以上其人須有本銀行股分五百股以上年齒二十歲以上者由股東於尋常會議時公舉其任期以三年為滿任滿後如再舉聯任亦可

第二十六條 總理協理各一人經理若干人均由股東於舉定董事中或董事以外人之有本銀行股分五百股以上及年齒二十歲以上熟於銀行規則者公舉任之其任期總理以五年為滿協理經理均以三年為滿任滿



後如再舉聯任亦可

第二十七條 本銀行議舉監查員三人以上周行查察員二人以上其人須有本銀行股份二百股以上及年齒二十歲以上者由股東於尋常會議時公舉其任期以二年為滿任滿後如再舉聯任亦可

第二十八條 前項選舉用投票法以票多者為當選若遇二人同數則以年齒長者充之如數同齒同則用抽籤法定之

第二十九條 前項董事總理協理監查員周行查察員等於所定人數之內如有開員應開特別會由股東投票公舉合格之人補充前項之職務接續前任未滿之限期期滿後於照例應行改舉時一律改舉如經再舉聯任亦可

第三十條 本銀行結賬每年分上下兩期以正月至六月止為上期七月至十二月止為下期每期將盈餘銀數結計除應有開支外實餘銀數若干照以下提出名目由股東會議議決分派 一按律公積銀 按照公司律內所定之額數 一決議公積銀 由股東會隨時議決無定額 一器用折價銀 一酬勞賞予銀 一股東分派銀

附則

以上各條招股章程如有未甚完備之處可各就意見用另紙標黏以便酌改至創辦人姓名住址俟各埠認可後一律登載

計開

上海商務總會 新嘉坡中華商務總會 巴達維亞中華商務總會 渤良安中華商務總會 日惹中華商務總會 檳羅中華商務總會 泗水中華商務總會 三寶壠中華商務總會 孟加錫中華商務總會 緬甸中華商務總會 坤甸華商總會 小呂宋工界團體會 小呂宋商務總會 香港華商吳理卿劉鑄伯等

鄺亮翁粵人也久客澳洲在該處肇啓丕基廣於交遊實華僑之領袖邇者思與鱸膾過回羊石與家人慶叙團圓復於糖城之故衣街門牌念七號夥開仁信藥房其門如市適本局調查人員造訪蒙鄺君將澳洲往事詳細重題遂及韋廉士大醫生紅色補丸一節據云○余寓居加路頓埠者已十又八年矣此埠在澳大利亞之西境余在該埠販運什貨生意頗旺兼售天下馳名韋廉士大醫生紅色補丸英國所出之調血妙藥消流甚大全澳家常之藥

## 西來新妙



廣東鄺亮翁先生像

以此為最以余見聞所及該埠之人服而愈病者甚夥自我回華之後見中國內地各處均有此丸發售實屬欣慰無暨此乃西來新妙理合傳揚忖思此丸近廿年間在外洋各邦經已屢立奇効則其將來之有大造於我四萬萬同胞者無待著龜矣查得此丸為補血補腦之良劑益氣益筋之妙品澳洲之人犯此症者莫不奉之如神明此丸又能立愈積滯不化肝經不和風濕骨痛種種各病此丸功深用廣名實相副故敢表而出之

以為世告凡我同胞廣為傳佈幸甚幸甚○全球之上所售之藥其消傷之大以韋廉士大醫生之紅色補丸為最每逢羣醫束手愈稱不治之症得此丸之力而死裏逢生者以千萬計或向上海九江路第八號加B字門牌韋廉士大醫生藥局採買亦可 每一樽價英洋一元五角 每買六樽價銀英洋八元正 上海九江路B字第八號韋廉士大醫生藥局啓

## 瑞林祥元記 綢緞洋貨莊

本號開設（北京前門外鮮魚口）（天津估衣街中間路北）（山東濟南府院西路北）等處目置綢緞洋貨顏縐絳花素貢絨絨緞各色抖蓬哈叻厚呢以及京廣什貨織絨綫貨各色俱全貨高價廉劃一不二中外 紳商賜顧移玉是幸 瑞林祥元記具

## 北洋藥州官礦公司設立接待處廣告

啓者本公司現時暫任玉皇閣工藝局內附設頭門以內立有接待處凡遇紳商士庶枉顧或繳股款或取息銀均請逕到接待處晤談該處派有委員專司其事又漁業公司接待處亦附設在內凡來賓因漁業事件惠臨者均一律辦理此啓

天津商務印書館新書

嚴又 訂正羣學肆言 此書官所以治羣學之術書凡十六篇前經嚴又先生譯出行世備受海內歡迎茲經重加訂正以版權歸本館津裝精極大為改觀每册定價一元

女子國文教科書 本館前編初等小學國文教科書八册一年間已出六版近又承學部審定其價值不特宜此書而前書而後探材料仍以女子必備之道德智識為主而於家政女工衛生官之尤詳全書四册先出第一册定價大洋二角

近世化學教科書 日本大幸甫吉著李烈鈞譯 此書凡化學中實驗理論之關係解說甚詳每册定價大洋八角五分

初等代數學 王家漢譯壽孝天校 是書久已膾炙人口於譯述之時 說力求顯明題問時有酌易蓋深得原書之精意而不拘守原書之面目最適於我國之用每部一元二角

初等三角法教科書 日本飯島正之助著周藩譯 上篇述銳角之圖兩數下篇述普通三角之圖函數定理由簡式之證明不厭其詳而行文簡括使讀者循途深造忘其為沈悶之科學函數教科書本也每册定價二角半

家計簿記教科書 奕定高等小學章程提到簿記於算術科是書就家計以發凡詳論簿記之法書分九章就其通通行例例商以簿記於改良之仍以通俗通用為主既可作學堂教科書即使居家者經商者職司會計者亦宜有之每册八角

新法英文教程 此書寓文法於練習本使學者易於領悟而於文法入部之總則及其云讀之時間尤為注意每句詳解清晰未附釋義及解字兩門凡用鈞體字處可概釋義其難字可被解字使閱者一目了然每册定價八角

日語讀本 內堀文君現任山東高等小學堂日語教授歷年既久閱歷尤深故以其經驗材料編成此書體例清新程度適合誠為學日語者之寶也每部四册裝一元四角

鉛筆習畫帖 本館前出高等小學鉛筆習畫帖已承學部審定是書編繪之法與前書相應而筆法甚為簡易便於初學筆筆各部四册每册各二十圖第一册均單形體以次循序漸進至第四册乃及陰影濃淡之法初學極易人手全定定價四角八分

鍾乳閣體 英國哈葛得原著 此書大致以雲中人出於老獵戶戈德門自述歸本於亨利之友愛乃以每部二册之故至於犯痕痕絕沙漢飢渴而死成所不惜願之足以愧天下之閱者者每部定價六角

天囚懺悔錄 是書叙一人誤殺其友出亡天良受種種苦惱後流落荒島力自變換改行為善卒得善終其間叙航海覓藏金及孤島中生活以及男女愛情筆筆思緒綿綿惻惻觸動人每册定價五角

匈奴奇士錄 匈加利寶耳著 一摩陀爾人有妹為食士所誘至被棄而愛情至死不滅不許其兄報讐此食士又誘惑一公爵思其夫人設種種奸謀不得遂公爵夫人卒嫁與摩陀爾人情節離奇筆筆古雅每册定價四角

模範町村 日本學士橫前井時教原著 此書以改良地方自治之理想假託一人久客歸鄉所見所聞與近世大異其趣故事均依據事實均依據事實可見實行今吾國地方自治此書頗實模範不啻僑作小說觀也每册定價三角

開河北大胡同電話五百二十六號

啟新 啟  
告廣司公限有灰洋



啟者本公司係承唐山洋灰公司老廠另購外洋最新式機器旋窰等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家柏林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

啟新洋灰有限公司磚窰招股滿額廣告

啟者本公司前經登報添招磚窰股本三十萬元截至三月十五日兩個月期限認股業已滿額凡有未交股本務請照章於收股限內繳齊五月十五日以後一律截收此布

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額  
磁銅料器漆藍 奇巧美術玩器 學界文房用品 旋行携帶等件 精工鑲身物料  
定織各色麈氈 現又擴充樓房 極其寬闊高大 如蒙官商光顧 價值格外從廉  
本行隨便入覽 電話一千三百七十四號 天津法租界 武齋洋行謹啟





# 河南洛潼鐵路公司駐津付息廣告

本公司定章每股五元每元週年七釐行息迭經廣告現當付息之期所有本埠去年十一月以前所收股款應於去年起息者統限於本年三月內付息各股東務持本公司收據前來支取幸勿遷延再洛潼路綫業經勘定不日開工有願續入股款者請仍赴天津河北中州會館招股處交納可也切切此佈



本行開設天津上海香港志呢華海參歲等處均設立有年諸班貨物由外洋本機器廠自造砵蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指留耳墜鐲子表墜大小八音盒並留聲話匣單雙桶千里眼砵蘭磨花穿衣鏡妝梳洋鏡大小皮包法國洋號又新到轉盤換調話匣八音盒價格格外從廉仕宦官商光顧者請移玉紫竹林法租界本行面議可也  
本行主人啟

## 平和戒煙醫局廣告

啓者敝同人創設戒煙醫局原屬拯濟爲懷欲將天下人沈疴洗除淨盡無各博施濟衆堯舜不能且爲日甚長的款無着是以原定章程酌收藥資以助經費前因開局以來到局戒煙者固不乏人而因此觀望者仍屬不少故本局公議自二月初一日起至三月底止特贈醫三個月以示普濟之意味下期限屆滿戒斷者百數十人在局服藥者尚有百數十號成效已着人所共知不待本局贅述也本擬再行續贈特因經費不敷力與心違倘長此不收藥資斷難經久萬一半途而廢是公益之舉不但有始無終亦非本局樂善好施之本意茲復公同再四籌商仍議定照舊章辦理除三月內掛號服藥者仍贈醫不計外凡自四月初一日起來局戒煙之人必須先交藥資十兩如有不能現交者必須覓有妥實舖保力爲擔承方准掛號其煙癮過大用藥較多者隨後核算至多亦不過再取藥資一二十金至癮斷之後捐助本局經費則視乎本人之力量體面耳凡有志戒煙者須知本局收取藥資乃係不得已之苦衷本局設立既久名譽效驗昭昭在人耳目想爲諸君所共悉而共諒也此佈  
平和戒煙醫局告白

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

## 本局售報價目

本埠售價官報按日一冊每月三十冊收價銀六角零購者每冊洋銀二分

法政學報十日一冊每月三冊收價洋六角零購者每冊二角

兩種合購每月收洋一圓二角

各州縣報價交銀者除額定銷數照舊收銀九錢外額外分購者統照本埠售價

## 本報代派處

各省郵政局分局均認定代派本報凡由郵局訂購者不取郵費

北京琉璃廠橋西路北公慎書局本分局

天津石橋胡同後齊佐周

天津鄉祠南李茂林

保定省城北大街官書局內本分局

奉天省城振泰報局

錦州同益分報館

開封南書店街本分局

南京東牌樓慶昌

濟南官書局

各州縣驛遞不在此例

## 本局告白刊例

登一日者每字取洋五釐 三日四釐 七日三釐五 十五日三釐

一月二釐五 半年二釐 長年一釐五

以上均按四號字起碼加寬行數照所佔面積計算

登錄商標刻工另議  
三號字加半倍 二號字加一倍